

書名 皇明文衡一百  
卷 正德五年  
序刊本  
撰者 明 程敏政 輯  
明 范震、李文  
會 校

卷 卷六十六  
內容分類 集 總集 各代 明

索書號 大木-集部-總集類-30  
編號 D7861500

彩色首頁1

東洋文化研究所漢籍目錄 編號: D7861500


東洋文化研究所漢籍目錄所藏漢籍善本文影像資料庫 索書號: 大木-集部-總集類

30 漢籍善本文影像資料庫文本 皇明文衡一百卷 正德五年序刊本

版權所有: 東京大學 東洋文化研究所

使用上的注意事項

# 卷六十六



皇明文衡卷之一

代言檄

原檄



翰林院學士新安程敏政選編  
鄉進士國子監助教永康范震校正  
賜進士應天府儒學教授郊鄧李文會重校

宋濂



自古帝王御天下中國居內以制夷狄夷狄居外以奉中  
未聞以狄治天下也自宋祚傾移元以北狄入主中國  
不臣服此豈人力實乃天授然達人志士尚有  
美自是以後元之臣子不遵祖訓廢壞綱常有  
如大德廢長立幼泰定以臣弑君天曆以弟醜兄至於弟技



侃侃衛公仗厥孤忠守此江東  
天兵聿臨弔伐是心久旱而霖元有盡臣見道之難如公宰  
倫桀犬而信各爲其君豈顧羸臣 堯化如天表以墓降廟  
以揭虔惟闐闐中往來憧憧感動 宸衷欽天山陽厥非燥  
岡造祠是方聯諸庶庭煥其丹青公此安靈掌祠山巔與  
國縣延億萬斯年

皇明文衡卷之六十五

皇明文衡卷之六十六

碑

皇明黔寧昭靖王祠堂碑

王景

德足以昭三辰勲足以靖四垂故能翕張皇猷揮霍幅員乘  
大化以控搏與天地而俱存生為人豪歿爲明神理之常也  
是以先王叙功以作元祀也非惟褒德顯忠蓋亦示神而明  
之之誼焉若馬援之於漢張仁愿之於唐蹇與赤之於元其  
人雖死其功烈在人千載一日語云大功必百世祀茲其近  
之有若黔寧昭靖王之茂實比之數公實有過焉尸而祝之  
斯古道也夫

聖人出而大命集必生應昂降岳之佐以開其休時維我王  
勿隆天造受恩



帝室年十有八出鎮鎮江綽有聲績內託肺腑外秉節旄以  
麾諸夏南平閩越擒陳友定以材畧見知于

上同知大都督府事幾十年所奏無一不當

帝心者西畧岷嶮涉流沙轉戰千里皆生擒其渠帥平二十  
餘萬落封西平侯功在盟府率兵南征深入不毛掀泮河踣  
夜郎徑安定鞞烏蠻大戰曲靖擒元司徒達理麻梁王把匝  
刺瓦爾密走死不決十辰遂開雲南車里八伯平緬皆虎視  
以雄莫不嘔咄僮僇效臣順明年諸部覘王師之東也  
曰予復叛兵二十萬蠶屯蟻附城幾不支王聞勒步騎至自  
芒賊愕遂潰自相輒逐伏屍填道雲南底平悉致其酋帥

京師動莫大焉在鎮十年以仁智為理闡庠序以示之禮迪  
官常以示之制均政役以厚其聚以旋定安集為已任其桀

黠黠王度則差馬拱稽卓難而禽獮之措阿資燔者滿燔者滿

矣情屢定邊凡斬首數萬捕虜過當王垂涕而遣之諸部懷

仁服義始豫附以和收其馬牛金銀丹漆杭稻以充軍實雖

遐邇留聞皆觀天日之明道德之華自王迪之也山川草木

桐生懋豫與嘉賴之德莫懋焉及薨軍民罷市巷哭至有勞

高者 朝廷嘉之追封王爵恩至渥也民夷念王不置合辭

請于 朝建祠報可俾王之于今南平侯纂其任從民望也

按祭法古之通祀者五曰法施于民曰以勞定國王兼而有

之載祀百世此其肇歟祠作于薨之後二年九月某甲子成

于某月某甲子凡為楹若干行馬列戟不侈不踰遵

憲章也既成享咸請紀于石以垂無極不獲辭因作迎享送

神之詩俾歌以樂焉



大明麗天萬國明赤符飛騰策六丁惟生翊運天降精身薄  
日月騎斗衡坐張天弧檻攬搶助

帝駟伐基隆平氣壓崑崙蕩滄溟出入星緯無留符勁涉滇  
海縻長鯨長鯨既割波浪腥龍蛇走陸殺氣橫噓陽吹陰孰  
敢嬰文經武緯先晶熒手揭元會歸 虞主上騎箕尾為列  
星

帝錫侈封王黔寧河山帶礪分漢盟堂堂遺像夾兩楹神光  
夜夜飛爽靈胎縹布瀉通杳冥楚麗颯沓從兩旌倏焉如雲  
搏紫清八衝鏘然韻流鈴春秋報事垂千齡

勅建神水山神祠之碑

胡廣

皇帝統御天下愛養黎元恩惠優渥首飭羣有闕毋擅用一  
夫取一財於是生養休息日庶日富比年歲登民和海宇熙

洽及永樂四年秋詢謀於羣臣曰六者建都必營宮殿朕肇  
建北京恢弘舊觀以永詒謀顧興作事重惟恐煩民然不可  
後僉曰

陛下慎卹民力視之如傷而民皆樂於趨事

皇帝曰尔往試哉乃命入山以伐材焉用民力十取其一給  
以廩食歸其傭直而民欣然鼓舞不知其勞故事不程督而  
集工部尚書臣禮取材於蜀得大木於馬湖府圍以尋丈計  
者若干踰尋丈者數株計庸萬夫力乃可以運將謀刊除道  
路以出之一夕忽自行達於坦途有巨石嶢然當其衝夜聞  
吼聲如雷石劃自開木由中出無所齟齬度越岩險膚寸不  
損所經處一草不偃百工執事顧視謹譁踴躍交慶事聞廷  
臣稽首稱賀謂



聖德所致

皇帝辭以弗違推功于山川之神乃遣官以牲醴祭之將至之先大雨洗塵山川草木預有喜色鮮澤榮華蔚然穠醜及祭之日先降微雨灑滌游紛俎豆既陳羶香肸蠶玄雲倏消天宇澄湛明星煌煌月影交輝祥飈徐來神用居歆聞山呼聲者三震動天地神顯其靈於昭有赫遂封是山為神木山詔有司建祠歲時祀享以答神貺命臣廣為文以紀其事刻之于石臣廣頓首受命仰惟

皇帝功德高厚比隆天地妙運一心斡旋萬化陰陽鬼神隨機應勤胞合無違故凡有施為嘉祥沓至是以山川之神協贊貞符宣暢明靈濯濯洋洋休有烈光超達物表有不可以智巧測量之者然以理求之其可知已夫充塞兩間者鬼神

之功用若川泳雲游日烜雨潤風霆鼓動寒暑更迭歟陰忽陽變化揮霍其迹尤著然三辰順軌雨暘以時景星慶雲和氣克溢斯皆一心之所感召若夫木石非由人力不可以運動而乃潛關默輸寔由

聖德感乎神明協應之所致也固非耳目見聞之可知已夫人之所不知不能者鬼神之所能也以人之所不知不能而測夫鬼神之能宜其有弗知也况凡天下名山大川奠於方域之中出雲雨產財用以資於國家其神固靈也而神木之山所產良材自萌蘖而長以至於拱把連抱神之衛闕呵禁以待於今日然則神之効其靈者非一朝一夕也茲今之顯應所以兆

皇帝萬世悠久之徵則神之功其可以少哉稽之於傳凡有



功於 國家者必有祭神功彰著實爲偉茂載之祀典於法  
允宜 臣廣再拜謹書其事爲記并系之銘以頌歌  
聖德且以敷揚神休銘曰

皇帝受命統御萬方六合泰寧物乂民康端拱垂衣無爲而  
治蠻夷荒服蟻附而至休徵之應如川如林至和感孚百靈  
具歆壯哉北京

龍飛之所

帝用詒謀大啓厥宇慎卹黔首咨詢在廷庶民子來于始經  
營

皇帝有詔取材于蜀神木之山岷峨是屬梗楠豫樟絜之百  
圍神用呵闕以需于茲斧斤斯入林披薄斂凡厥所產采心呈  
精掩良材九九孔鼻且碩載而輸之萬夫之輅層巒峭壁轟

轟崇崇深谷豁呀飛流怒淙有巖厥途其石截嶭徐步曳武  
猶慮僨路方謨夷險憑虛架梁人力未施木忽宵行越澗逾  
壑砰磕如雷巨石礮礮隨擊以闢維山有神維神昭靈默驅  
六丁佑相

皇明神衷顯宣嘉徵斯應以兆

皇基萬世永盛報神有典祀事孔宜爰作新廟歲以享之醴  
清牲膾籩豆淨潔肴羞維旅羶薌有苾春蘿蔚陰秋菊垂芳  
裸薦以時禮儀有章執事駿奔秉虔以對濟濟鏘鏘罔敢或  
懈神之來享驅霆駕風翳以鳳凰驟以虬龍靈旂揚揚神旣  
降只鼓鍾鏗鎗神醉以喜神求宅茲時雨時暘眷此邦氓易  
沴作禳

皇德同天幽明畢被勅制靈福以誌神祀礪石刻銘茲山寔



侔頌宣

皇德永著神休

勅建禮部賜宴之碑

楊士奇

宣德六年十月北京新作禮部成尚書胡濙奏請樹石刻文以示久遠 制曰可其文以命臣士奇臣既拜受命謹按禮部在唐虞為秩宗在周為春官太宗伯所與天神人鬼地祇之禮而禮樂庠序風化制度品節之事咸屬焉我國家

列聖相承法古制治尤重於斯

皇上臨御之初茂簡俊乂以稱厥任時濙以禮部左侍郎兼南京國子祭酒奉命還禮部數月陞尚書

上諭之曰國家所重祀事朕夙夜祇奉天地宗社暨于百神

以訝福生民爾其懋相予無怠凡國所用彝典爾惟舊章循是式用佐予理無忽爾惟寅推清用懋副朕命濙拜稽首言臣敢不精白一心以圖稱萬一蓋

上所命濙與虞舜即政命伯夷者同一道也而嗣

大位以來祀享受福川嶽奠寧歲屢豐登田里給足災沴不作遐裔畢來禎祥之物駢見疊至皆本於

皇上誠敬所格而德化之效也于時北京創建未久百司官府皆未作其公署及治文書之舍率就簡便蓋未暇及也一日濙奏事殿中

上曰國家大典禮悉隸禮部非可以簡其官府宜先備

勅工部作之度地於大明門之東西向中為正堂堂之側為司務廳前為周序為中門為前門正堂之後為後堂左右為



賓客之位後爲庖庫堂序之外爲四屬儀制主客在左祠祭  
精膳在右鑄印在中門之左其地充爽其材堅良高明邃深  
制度弘偉方之近代綽乎過焉旣成以聞 命京師諸司長  
貳咸往落之 命光祿賜宴 恩澤之隆羣情歡溢咸謂  
皇上悖典庸禮啓自 宸衷始作斯宇其盛舉也臣惟禮者  
天理之具於人事而行之以敬者也用之事神而神享用之  
爲政而政修用之教化而教化孚用之制作而制作盡善故  
禮所以爲 國家天下之大器不可一日無者而典之必得  
其人惟

皇上知之明而行之果也然臣伏觀未作禮部之先有司以

上所居宮殿庫益請拓地改作

上曰朕方倦倦息民爲心居室豈今所急却其奏旣而出

爾書命諸司詢民瘼施振貸已逋責暨禮部成有司復請改  
作宮殿且言治材已具

上曰朕夙夜求民之安今天下匹夫匹婦豈皆得所而何暇  
於自求佚若等宜體朕卹民之心敬哉勿忘又却其奏而出  
璽書敷布德恩存卹鰥寡招懷流徙且飭有司蠲弊舉廢修  
懷保之政蓋 聖仁一念保民惟日孜孜昔大禹薄自奉而  
所勤者民之事所致飾者宗廟朝廷之禮與

皇上聖心異世而同符猗歟盛哉是役也重禮爲先務而再  
却有司之請 聖德之太者臣忝職史氏謹備書之而繼以  
詩曰

稽昔帝王禮莫重焉天叙以勅人文以宣其用之嚴曰郊與  
廟教化制作咸禮之要



皇明龍興

列聖御極盛德光華有典有則

皇帝繼統躬禮導民縱交安行天下歸仁翼翼北京視周之  
鎬桓桓六卿羣辟之表有虞秩宗咨命伯夷

帝謂臣濙往哉汝諧肅肅三禮汝祇相予凡百儀度汝慎攸  
司爰初經營六官之府

帝謂臣濙權輿宜汝龍章自天臣工祇率力齊材良成之不  
日 天闕之南端門之東輪焉與焉闕廓穹崇維

皇明聖以禮為國維明維果有此弈弈維孝維恭大禹彼同  
約已勤民菲食卑宮矜卹無告惠鮮鰥寡文王小心日不遑

暇仁澤流霈源源弗窮悅懌歸赴如川之東禮序樂和化淳  
浴厚龜龍在沼麟鳳在數體信達順維

聖之功執事有恪維臣之恭夙夜其勤式告有位維寅維清

帝載

君山廟碑

君山廟者祀常州府同知張侯之廟也為政而能愛民主則

父母之沒則丞嘗之皆由其誠有以致之也張侯之同知常  
州也奉部符專督農事既至視民如子喜為之興利常行視

水教之蓄泄躬履壅畝察種植而為之勸或時坐堦間相爾  
汝語如家人未嘗嘗言辱人遇老病鰥孤率有恩意所過飭

勸學校正士習民其戴之上官知其得民也有所賦輒傲之  
督民恐以緩累侯則爭起趨事然侯終不以慮謹而急民是

時天下軍伍滋弊軍之姦黠者率用賂規匿而詭傳平民於



籍民被枉比比

朝廷以璽書分命御史清理其要在覈奸直枉御史當詣蘇常者言於兵部常州必得張同知共事乃有濟部遂以檄候御史時銳意得軍為功不復矜念民枉侯固執民實非軍敢違璽書不從御史不可柰何數出無禮語詬詈之侯忿鬱不能平數日疽發背卒然常之人賴侯以免於枉者猶十七八時蘇之佐郡者極力助御史待軍而枉民動以千計愁苦嗟怨於道路累年不解常之人以是益思慕侯不已侯素澹泊廉介不苟取一毫自入仕未嘗以家累隨公退坐一室蕭然讀書焚香而已易簪之先夕侍藥者入其舍索燈燭悉無翅出取膏油一盃以入侯遙見竟謝卻之其操類此侯先自翰林庶百士為刑部主事春坊中允大理寺丞皆有政績嘗奉

命督事廣東福建皆有惠及民此特哉其在常者耳侯卒之日民老壯奔走哭於庭皆哀具儀奠祭累日匱行白衣冠送者數千人非積誠而能致此乎後數年江陰士民朱善繼善慶周孟德孟敬因眾民之志協謀作廟於邑之北君山以祀侯來請書于石併作迎享送神之詩使歌以將事侯名宗璉字重器江右吉水人永樂第一科進士朱氏周氏皆尚德崇義之家詩曰

肅穆兮侯堂酌山泉兮薦林芳泠泠風兮髣髴侯戾止兮珮玉瑤懷仁侯兮撫我動與息兮有教稼芄芄兮連疇侯顧我兮樂以笑侯乘兮蘭棹條東臯兮忽南畝溪有鱣兮陸有虺侯赫視兮敢余民侮侯來遲兮逝何疾侯之逝兮我民以戚山之明兮水之麗侯捨茲兮安適侯懷故鄉兮旦往夕來祚



我佑我兮無遐遺調二氣兮平四序下無汎濫兮高無曠災  
沼有魚兮豈有畜公無負逋兮私庾足我民兮子孫孫子承  
侯福兮千百世紀

重修開平忠武王廟碑

王直

正統十二年秋八月通州守臣李經言州城東南隅舊有廟  
以祀開平忠武王常遇春蓋洪武三年奉勅建每歲春秋  
守臣以少牢行禮庭下載在祀典今八十年矣脩治不繼日  
入於弊懼無以稱

朝廷崇德報功之意請繕完如法制曰可命工部聚材鳩  
工撤而新之通州諸衛及州所屬縣各以丁夫給役且命總  
理通州諸務都指揮僉事陳信兼督之命既下文武吏士奉  
承唯謹材不徵而集工不召而至智者效謀壯者效力作正

殿前殿翼以兩廂前啓三門旁列廚庫凡諸像設靡不備  
弘麗靚深有加於昔經始於九月己酉而以明年四月成於  
是信來請曰是役也宜有紀願書而刻之麗牲之碑惟天生  
大有爲之君必輔以不二心之臣肆我

太祖皇帝受命而興王以忠信智勇佐之飛渡大江霆擊電  
掃東南郡縣以次削平既復下兗豫遂議北征

車駕至汴中命大將軍徐達而王爲之副諭以仁義行師毋  
殺戮以逞天聲所臨無思不服王先至通州禁僣暴務安輯  
人不知兵市不易肆皆愛戴如父母遂收燕都明年平河東  
入秦虜復侵通州王還兵拒之通州之人免於荼毒其德王  
尤深王遂率師破開平俘獲而歸至柳河川以疾薨柩還  
過通州州人皆罷市迎哭既去而念之不哀飲食必祭



上思王之功而知民之感慕如此此廟之所以作也昔漢之西鄉侯張飛號萬人敵嘗拒魏將張郃於巴西大破郃軍以安此土巴西人德之歷千餘年而廟食不廢今王以雄材大畧佐

太祖定天下兵威所及王之績為多其功烈在朝廷利澤在生民蓋甚大較之飛實過之國家褒答勲巨恩禮之厚亦非蜀漢可比王生為上公沒有顯號而廟祀永久蓋宜也王之廟在京師尤盛此特其別祠焉耳

今天子又新而大之所以承先德而報王功其超越百代可知矣乃為述其事而系以詩曰

太祖龍興四海從維王仗劍先來同所向無敵嘗其鋒通州亦左破竹中奠安民居過寇衝播麗義澤揚仁風閭閻歌舞

靡然此旌旗此伐兵馬雄汛掃絕漠烟塵空大星宵墜感

帝衷以以顯號昭殊功廟食於此罔不恭

聖皇繼述棟愈隆神之仕位儼儀容調和陰陽幹化工疢癘

不作歲屢豐春秋祀享無終窮

皇明文衡卷之六十六











上海圖書館藏